

1 يحيى

سورت کیریمن یغ فرتام هق
توهن بري يحيى تولیس

باب 1

فرکتان هق جاري اصل هیدوف

- 1 کیت تولیس سورت ني کا فواق مو چارا حال هق دوق ار ده بلوم فد دنيا ار لاگي. کیت بیاس دغر، بیاس نمفق هق ني. فس هق کیت نمفق تو فون، کیت بولیه جامه جوگ، یاءیت فرکتان هق جاري اصل هیدوف.
- 2 بیلا اصل هیدوف تو بري پات، کیت فون نمفق دي. فس لاني کیت ناءیک سقسى، رويت بري فواق مو تاهو حال اصل هیدوف هق سجاتي ني، هق دوق ار سام توهن یاف، فس تورون بري پات کا فواق کیت.
- 3 هق کیت نمفق، هق کیت دغر ده تو، کیت رويت نق بري فواق مو تاهو کاتيق، انتوق نق بري فواق مو بولیه دوق برهوبوغ رحیم دغن کیت، سروف کیت دوق برهوبوغ رحیم دغن توهن یاف سکالي دغن انق دي عیسی المسيح.
- 4 کیت تولیس سورت ني نق بري هاتي کیت سما فنوه دغن سوک ریا.

توهنله اصل حق چره

- 5 اينيله خبر حق كيت دغر ده د عيسى، انق توهن تو،
فس لاني نق رويت بري فواق مو تاهو، يائيت توهنله اصل
حق چره، فس دالم ديري دي تاءار سيكيت هابوق حق گلف.
- 6 سابيت تو، بيلا كيت كات كيت برهوبوغ رحيم ده دغن توهن
تافي تكه تو، كيت دوق توروو حق گلف، معناش كيت بوهوغ
تاءوات توروو حق سبئر لاکي.
- 7 تافي كالو كيت دوق دالم چره سروف توهن، معناش كيت دوق
برهوبوغ رحيم مو اكو، فس داره عيسى، انق توهن، حق
منيله توبيت تو، بري چوچي سمور دالم هاتي كيت حق ار
دوسا.
- 8 بيلا كيت كات تاءار بنيه دوسا ده، كيت تيفو ديري كيت
سنديري، نق لاون، تاءا سير بري تمفت كا حق سبئر.
- 9 تافي كالو كيت مفاكو دافن توهن كات كيت بوات دوسا ده،
كيت بوليه هارف كا دي كات، دي نق بوات حق عاډيل. دي
نق امفون سموا دوسا كيت تو، فس بري هاتي كيت سوچي
درفد سموا كسلاهن.
- 10 بيلا كيت كات تاءا بياس بوات دوسا، معناش كيت كيرا كات توهن
بوهوغ. كيت لاون تاءا سير بري تمفت كا فركتان دي.

عيسى المسيح فنولوغ كيت

باب 2

- 1 يا انق ۲ كو، اكو تولىس سورت ني دغن توجوان تاءا سير
بري فواق مو بوات دوسا. تافي اورغ مان حق بوات دوسا،
كا ايغت كات المسيح، دي حق هاتي بتول سمور تو، دوق
سبله كيت، دوق مينتاءا كسياغ بلس دغن توهن باف.
- 2 المسيح نيله ماري جادي قربان انتوق بري بوليه توهن امفون

دوسا ۲ کيت. فس بوکن دوسا کيت ساج، دق، تافي دوسا ۲
سموا ماء نسي گاتيقي.

3 کالو کيت بوات توروت سموا هق توهن سوروه، باروله کيت
بوليه تاهو کات، کيت کنل ده دغن دي.

4 بيلا اورغ کات دي کنل ده دغن توهن، تافي تاه بوات توروت
هق دي سوروه، اورغ لاگو تو بوهوځ، نق لاون، تاه سير بري
تمفت کا هق سبئر.

5 تافي بيلا اورغ بوات توروت هق توهن سوروه، هق توله
تنجوق کات دي کاسيه کا توهن دغن سبولت هاتي. نيله جايي

6 تندا هق بري کيت تاهو چرف کات، تنتو کيت دوق سهاتي
سپاوا دغن توهن. اورغ هق مځاکو بالس تو، کنا دوق
هيدوف سروف دغن المسيح دوق هيدوف.

حکوم توهن هق بارو

7 يا سائين ۲ کو هق اکو کاسيه، حکوم هق اکو توليس بري
فواق مو تاهو، بوکن حکوم هق بارو، تافي هق لام ده، هق
مو بياس ار، جق ماس مو مولا ۲ دغر خبر بآيك تو کي. کران
حکوم هق لام ني، ياءيت خبر هق مو بياس دغر ده.

8 تافي حکوم هق اکو توليس ني، بوليه کات بارو جوگ، سابيت
هق حکوم تو سوروه، بوليه نمفق چرف دالم ديري المسيح،
فس دالم ديري فواق مو گاتيقي. کران هق کلف کهور ۲ هوندور
توبيت، فس هق چره سبئر تو، دوق کهور ۲ سولوه ماسوق.

9 اورغ هق کات دي دوق دالم چره ده، تافي دي تاه تنجوق
کاسيه کا اديق براديق، معنات اورغ تو دوق دالم کلف لاگي.

10 اورغ هق کاسيه کا اديق براديق دي، دي دوق دالم چره ده.
سابيت تو، دالم ديري دي تاه ار سيکيت هابوق بوليه گليچه
بري دي بوات دوسا.

- 11 تافي اورغ هق تاء تنجوق كاسيه كا اديق براديق دي، دي دوق دالم گلف. دي دوق برجالن كي ماري، كي ماري، دالم گلف، تاء تاهو نق توجو، کران هق گلف دوق فکوف مات دي بري تاء نمفق.
- 12 يا انق ۲ توا مودا! اكو توليس كا فواق مو نق بري موايغت کات، توهن امفون ده دوسا۲ مو، کران عيسو المسيح.
- 13 يا فواق توا دالم فواق مو! اكو توليس نق بري موايغت کات، مو کئل ده دغن دي هق دوق ار بلوم فد دنيا جاي لاكي.
- يا فواق مودا دالم فواق مو! اكو توليس نق بري موايغت کات، مو منغ ده دغن هييليس.
- 14 يا انق ۲ توا مودا! اكو توليس كا فواق مو نق بري موايغت کات، مو کئل ده دغن توهن باف.
- يا فواق توا دالم فواق مو! اكو توليس نق بري موايغت کات، مو کئل ده دغن دي هق دوق ار بلوم فد دنيا جاي لاكي.
- يا فواق مودا دالم فواق مو! اكو توليس نق بري موايغت کات مو قواة فرچاي، مو فکغ فرکتان توهن ايکت دهاتي مو، فس مو منغ ده دغن هييليس.
- 15 جاغن بري هاتي مو دوق توجو كا دنيا، اتوا فون نق ۲ كا فرکارا هق جاي ميليق دنيا. اورغ هق کاسيه كا فرکارا ۲ ني تاء ار سيکيت هابوق دالم هاتي هق بوليه کاسيه كا توهن.
- 16 کران سموا هق جاي فرکارا ۲ دنيا، ياءيت هق نفسو دوق نق، اف ۲ هق مات فقسا بري اورغ نق، اتوا اف ۲ هق بري ماءنسي بوليه اغکيت دي ري، اصل فرکارا ۲ ني بوکن ماري دتوهن باف، اصل ماري دنيا بلاک.
- 17 سموا هق جاي ميليق دنيا، هق ماءنسي دوق نق ۲ تو، هق تو نق ليسوس ده.. تافي اورغ هق بوات توروت کهندق توهن نق هيذوف سعمور، تاء ليسوس بوات سلام ۲.

دي هق برلاون دغن المسيح

- 18 يا انق ۲ کو، لاني کيت ماسوق ده دنيا اخير. مو بياس
دغر کات، دي هق برلاون دغن المسيح نق تيمبول ماري.
لاني بايق هق دوق لاون المسيح تو، تيمبول ده. سابيت تو
کيت بوليه تاهو کات، ماسوق ده اخير دنيا.
- 19 فواق تو بوات سروف دي جادي سفواق دغن فواق کيت، تافي
دي توبيت ده. کالو دي جادي فواق کيت سوغگوه، تنتو دي
تاء تيغگل کيت. تافي دي توبيت ده. هق ني جاي تندا کات،
تاء سئورغ فواق دي هق ماسوق سوغگوه جادي فواق کيت.
20 تافي المسيح يغ سوجي تو، چوچور ده روح دي اتس فواق
کيت، بري کيت بوليه چم هق سبئر.
- 21 سابيت نيله، اکو توليس کا فواق مو، بوکن سبب مو تاء چم
هق سبئر، تافي سبب مو چم ده، فس مو تاهو جوگ کات،
هق سبئر تاء ليه دوق سکالي دغن هق بوهوغ.
- 22 کالو بالس تو، سياف دي هق بوليه جاني بوهوغ؟ اورغ هق
تولق تاء سير مگا کوکات عيسي جاي المسيح هق توهن جنجي
تو. اورغ تو، دياله هق برلاون دغن المسيح، دي تولق
توهن باف، سکالي دغن انق يغ ساتو تو.
- 23 سبب اورغ هق تولق انق يغ ساتو، سروف دي تولق باف ده.
اورغ هق تريما مگا کو انق يغ ساتو، سروف دي تريما باف ده.
- 24 سابيت تو، تاروه موليقله دالم هاتي، خبر يغ بائيك هق مو
مولا ۲ دغر تو. کالو مو تاروه بالس تو، مو نق دوق سهاتي
سپاوا دغن انق يغ ساتو، فس دغن توهن باف جوگ.
- 25 نيله المسيح سنديري جنجي نق بري کا کيت، ياءيت هيذوف
چارا بارو درفد توهن.
- 26 اکو توليس سورت ني کا فواق مو، نق بري مو کابر حال اورغ ۲

ماري چوب نق تيفو مو .

- 27 تافي المسيح چوچور ده روح دي اتس فواق مو، فس روح تو دوق ار دالم هاتي مو. سابيت تو، مو تاء كبا كي چاري اورغ نق اجر مو لاكي. روح توله دوق اجر مو، چارا حال سموا فركارا، فس هق دي اجر تو، بتول بلاك، تاء ار هق بوهوغ. دوق سهاتيله دغن المسيح، ايكوت فغاچران روح دي تو.
- 28 يا انق ۲ كو، دوق سهاتيله دغن المسيح! بالس توله، بيلا دي تيمبول ماري فول كو، دافن، كيت بوليه مهادف دي دغن براني، تاء كبا براس گرون كران مالو، فد هاري تو.
- 29 كيت تاهوده كات، المسيح هق بتول سعمور. سابيت تو، اورغ مان ۲ بوات هق بتول، اورغ تو بوليه ده هيديوف چارا بارو جاني انق توهن.

دوقله سروف انق ۲ توهن

باب 3

- 1 فرهاتي تيغوقله ستارا مان توهن كاسيه كا كيت. دي كاسيه تو، هيغك سمفي دي بري كيت فريغكت جاني انق ۲ دي. فس، سوغكوه كيت بوليه ده فريغكت تو جوگ. سابيت نيله اورغ ۲ هق توجو كو، دنيا تاء كنل كيت، سبب دي تاء كنل دغن توهن باف.
- 2 هي ساءين ۲ كو هق اكو كاسيه! لاني كيت جاني انق ۲ توهن ده. هق كيت نق جادي كو، دافن تاء بري پات لاكي. تافي هق كيت تاهو، فد ماس بري پات ده تو، كيت نق جاني سروف دي، سبب كيت نق نمفق دي، دغن روق هق سببر.
- 3 تيف ۲ اورغ هق ار هرافن ني كبا جاگ دي ري بري سوچي، سروف دغن المسيح سنديري هق سوچي تو.
- 4 اورغ هق بوات دوسا مان ۲ فون، دي لاون دغن حكوم ۲ توهن كران بوات دوسا تو، ياءيت توروت دي هق برلاون دغن المسيح.

- 5 تافي فواق مو تاهوره كات، المسيح ماري نق هافوس دوسا ۲
 مائسي، فس دالم ديرري دي تاءار دوسا سيكيت هابوق فون.
- 6 سابيت تو، اورغ مان هق دوق سهاتي سپاوا دغن المسيح،
 دي تاء كاچغ بوات دوسا. فس اورغ مان ۲ هق كاچغ تورو
 دوسا تو، هق تو جايي تندا كات، تنتو دي تاء بياس نمفق
 المسيح، اتوا تاء بياس كنل دغن دي فون لغسوغ.
- 7 يا انق ۲ كو، جاغلنه بري اورغ تيفو مو! اورغ هق بوات بتول،
 معنائ هاتي دي بتول سروف المسيح تو بتول.
- 8 اورغ هق كاچغ بوات دوسا، دي جايي ميليق هيليس، كران
 هيليس صيغه دي نق بوات دوسا سعمور، دي اوال لاكي.
 جايي سابيت نيله، انق توهن توروون بري نمفق، انتوق بري
 هنجور كرج هيليس.
- 9 اورغ مان هق جايي انق توهن، تاء كاچغ بوات دوسا، سبب
 بنيه توهن سنديري دوق دالم هاتي دي. توهن جايي باف دي.
 سابيت تو، دي تاء ليه كاچغ بوات دوسا.
- 10 بالس ني بوليه كنل انق ۲ توهن دغن انق ۲ هيليس. تاء كيرا،
 سياف هق تاء بوات بتول، اتوا تاء كاسيه كا اديق براديق دي
 فون، دي بوكن ميليق توهن.

تنجوق كاسيهله مو اكو!

- 11 كران خبر هق مو دغر جق مولا ۲ تو، ياءيت كنا كاسيه
 12 مو اكو. جاغلنه كيت تورو چنتوه قابيل، هق جايي ميليق
 هيليس، فس بونوه اديق دي سنديري. سابيت اف دي بونوه
 اديق دي تو؟ سبب دي كاچغ تورو هق بيلق، اديق دي
 تورو هق بتول.
- 13 سابيت توله، يا اديق براديق كو، بيلا اورغ ۲ هق تاء سير كنل
 توهن، بنجي كا فواق كيت، تاء سه دوق ترحيرانله!

- 14 کيت توبيت ده دالم فواق هق دوق باوه حکوم ماتي ، کي ماسوق دالم فواق هق دوق هيډوق چارا بارو . بالس مان بوليه کيت تاهو؟ سابيت کيت دوق کاسيه مو اکو ، اديق براديق دالم فواق ۲ المسيح . اورغ هق تاء کاسيه ، يي دوق باوه حکوم ماتي لاکي .
- 15 اورغ مان هق دوق بنچي کا اديق براديق ، يي سرور فمبونوه . فس مو تاهو سوځکوه کات ، اورغ هق جادي فمبونوه ، هيډوق چارا بارو تاء ار تمفت دالم هاتي يي .
- 16 کيت بوليه چم کاسيه ني دغن ايغت کا چنتوه عيسى المسيح ، هق جوغ سره پاوا يي انتوق کيت . کيت فون کنا جوغ سره پاوا کيت انتوق اديق براديق فول .
- 17 ميسل ، کالو اورغ کاي تيغوق اديق براديق يي سئورغ مسکين دوق سوسه ، فس يي بوات تاء نمف ، بالس مان بوليه يي کات ، کاسيه هق توهن ار تمفت دالم ډيري يي ؟ تنتو تاء ليه !
- 18 يا انق ۲ کو ، جاغله کيت کاسيه دغن مولوت ساج . کيت کنا تنجوق کاسيه هق سجاتي ، دغن هق کيت بوات .
- 19 دغن سجالن توله ، کيت نق تاهو کات ، کيت جادي ميلي
- 20 توهن هق سبنر . فس ولو هاتي کيت کات کيت ساله فون ، تافي کيت بوليه دوق سنغ دافن توهن . کران توهن لبيه بسر فد هاتي کيت لاکي ، فس يي تاهو سموا فرکارا .
- 21 سابيت توله ، يا اديق براديق کو ، کالو هاتي کيت تاء کات کيت ساله ، کيت بوليه مهادف توهن دغن تاء براس بيمغ اف ۲ .
- 22 فس کيت بوليه تريما دغن يي ، اف ۲ هق کيت مينتاء ، کران کيت توروت اف ۲ هق يي سوروه ، نق بري يي برکن .
- 23 هق يي سوروه بالس ني ، ياءيت کيت کنا برگنتوغ کد انق يي ، عيسى المسيح ، فس کنا دوق کاسيه مو اکو ايکوت هق يي سوروه .

24 سياف ۲ توروت هق توهن سوروه، اورغ تو دوق سهاتي سپاوا
دغن يي. فس روح هق توهن بري ده كا كيت، جاي تندا
كات توهن دوق سهاتي سپاوا دغن كيت سعمور.

روح هق سغوتي دغن روح هق تيفو

باب 4

1 يا سائين ۲ هق اكو كاسيه، بوكن سماو اورغ هق مفاكو
كات دي ار روح توهن، هق مو كنا فرچاي، دق! مو كنا
سوي دي دولو، نق تاهو روح هق دوق ار دي تو، ماري
دتوهن سغوتي كا دق. سبب ار بايق اورغ كي كوسنر رات ۲
نق تيفو كات، توهنله هق بري خبر كا دي.

2 اينيله جالن هق مو بوليه سوي كات روح تو ماري دتوهن
سغوتي كا دق. اورغ مان ۲ هق مفاكو دافن اورغ كات، عيسى
دياله المسيح هق توهن جنجي تو، هق تورون ماري فاكي
توبوه مائنسي، اورغ تو ار روح هق ماري دتوهن سوغوه.

3 تافي اورغ هق مفاكو عيسى لائين فد تو، دي تاء ار روح
توهن. هق ار تو، يائيت روح دي هق برلاون دغن المسيح.
مو دغر ده كات دي نق ماري، فس لاني دي دوق ار ده دنيا.
4 تافي يا انق ۲ كو، موني جاي ميليق توهن، فس مو منع ده
دغن اورغ ۲ هق ماري نق تيفو مو، سبب روح توهن هق دوق
ار دالم ديري مو، كواس دي لبيه فد روح هق دوق ار دنيا
ني لاكي.

5 اورغ هق تيفو سائني، دوق سبله دنيا، فس هق دي كوسنر
تو، اصل دنيا. اورغ ۲ هق توجو كا دنيا فون دغر كا دي.

6 تافي كيت جاي ميليق توهن. اورغ مان هق كدل دغن توهن
نق دغر هق كيت رويت. اورغ هق تاء جاي ميليق توهن، دي
تاء امبوه دغر هق كيت رويت. بالس نيله كيت بوليه تاهو
هق مان روح سغوتي، هق مان روح تيفو.

توهن دوق کاسيه سعمور

- 7 يا اديق براديق هق اكو کاسيه، بايقله کيت دوق کاسيه مو اكو، کران کاسيه ني اصل ماري دتوهن. سياف ۲ ار کاسيه لاگو ني، ري جادي انق توهن، فس ري کنل دغن توهن جوگ.
- 8 تافي سياف ۲ هق تاء کاسيه لاگو ني، ري تاء کنل توهن، کران توهنله اصل هق کاسيه.
- 9 توهن بري پات کات، ري کاسيه کا کيت، دغن هنتر انق یغ ساتو هق ري تورون ماري کا دنيا، نق بري کيت بوليه هيدوف کوء جالن ري.
- 10 اينيله تندا کاسيه هق سبئر، بوکن کيت هق کاسيه کا توهن، بق! تافي توهن دولو هق تنجوق کاسيه کا کيت، دغن هنتر انق یغ ساتو هق ري ماري، جادي قربان انتوق بري بوليه توهن امفون دوسام کيت.
- 11 اديق براديق کو، توهن تنجوق کاسيه بايق کيتو لالو کا کيت. سابيت تو، فاتوتله کيت کاسيه مو اكو جوگ.
- 12 تاء ار سئورغ هابوق بوليه نمفق توهن، تافي بيلا کيت دوق کاسيه مو اكو، توهن دوق سهاتي سپاوا دغن کيت، فس ري تورون کاسيه ري، بري کيت بوليه کاسيه دغن سمفرن.
- 13 بالس مان کيت بوليه تاهو دغن تنتو کات کيت دوق سهاتي سپاوا دغن توهن؟ بوليه تاهو بالس ني. توهن بري ده روح ري تورون ماري کا کيت.
- 14 کيت تمو ده دغن انق توهن، هق باف سوروه تورون ماري تو، فس کيت بوليه ناء يك سقسقي کات، دياله هق بري مائسي
- 15 سلامت. سياف ۲ هق مفاکو کات عيسی جاي انق توهن، اورغ تو دوق سهاتي سپاوا دغن توهن.
- 16 بالس توله کيت بوليه فرچاي دغن يقين، ستارا مان توهن

- كاسيه كا كيت. توهنله اصل هق كاسيه. فس سياف ۲ دوق
 كاسيه، اورغ تو دوق سهاتي سپاوا دغن توهن.
 17 توجوان بري كيت نق كاسيه دغن سمفرن، ياءيت نق بري كيت
 بوليه مغيراف توهن دغن تاء تاكوت فد هاري قيامه، كران
 جالن هيدوف كيت، تكه دوق دالم دنيا، سرورف دغن
 هيدوف المسيح جوگ.
 18 كالو اد كاسيه ني، تاء ار فرياغ نق تاكوت. دق! كاسيه هق
 سمفرن ني هافوس سموا هق بري كيت تاكوت. كران هق بري
 كيت تاكوت تو، دوق ننني نق تريما حكومن اتس دوسا ۲،
 معنان بي هق تاكوت، تاء بوليه كاسيه دغن سمفرن لاگي.
 19 كيت بوليه كاسيه سبب توهن كاسيه كا كيت دولو.
 20 اورغ هق كات بي كاسيه كا توهن، تافي تاء تنجوق كاسيه
 كا اديق براديق، اورغ تو بوهوغ. سبب اورغ تاء كاسيه
 كا اديق بي هق بوليه نمفق، بالس مان بوليه بي كاسيه كا
 توهن، هق بي تاء بياس نمفق؟ تدتو تاء ليه جاني!
 21 حكوم توهن بري كا كيت بالس ني، ياءيت اورغ هق كاسيه
 كا توهن مستي كنا كاسيه كا اديق براديق جوگ.

5 باب 5 كاسيه كا توهن، كنا بوات ايكوت هق بي سوروه

- 1 اورغ هق فرچاي كات عيسى المسيح هق توهن جنجي
 نق باوا سلامت تو، اورغ تو جاني انق توهن. فس اورغ
 مان هق كاسيه كا توهن باف، تدتو نق كاسيه كا انق ۲
 بي جوگ.
 2 بالس نيله كيت بوليه تاهو كات كيت كاسيه كا انق ۲ توهن،
 سبب كيت كاسيه كا توهن فس كيت تورو سموا هق بي
 3 سوروه. تندا كات كيت كاسيه كا توهن، ياءيت كيت بوات
 سموا هق بي سوروه. فس هق بي سوروه تو، تاء براف فايه.

- 4 کران گنف ۲ اورغ هق جايي انق توهن ار کواس بوليه منغ کا
فرکارا ۲ کوۋ دنيا . فس جالن کيت بوليه منغ تو، ياءيت کوۋ
5 جالن کيت فرچاي . اورغ مان بوليه منغ دغن دنيا تو؟ تاءار ،
ملينکن هق فرچاي کات عيسي ديا له انق يځ ساتو هق توهن .

تيگ فرکارا هق جايي سقسي

- 6 عيسي المسيح ، ديا له هق ماري لالو کوۋ اير ، تکه يي تريما
روکون مندي تو، فس لالو کوۋ داره ، تکه يي ماتي . بوکن
کوۋ اير ساج دق ، تافي کوۋ روا جالن ، ياءيت اير دغن داره .
روح توهن سنديري فون ناءيك سقسي کات ، هق ني سغوتي ،
فس روح تو هق سبئر سمات .
7 ار تيگ فرکارا سقسي ، ياءيت روح توهن ، اير ، دغن داره تو .
8 فس کنيگ تو ستوجو بلاک . کيت فرچاي کا ماءنسي جايي سقسي .
9 تافي سقسي هق توهن قواۋ لاگي . فس ني له سقسي هق توهن
بري ده چارا حال انق يځ ساتو هق يي .
10 سابيت تو ، اورغ هق فرچاي کا انق يځ ساتو هق توهن ، يي
فکغ ده سقسي تو دالم هاتي . تافي اورغ هق تاء فرچاي کا
توهن ، اورغ تو کات توهن بو هوغ ، سبب يي تاء فرچاي
سقسي توهن چارا حال انق يي تو .
11 اينيله ايسي سقسي تو . توهن بري ده کا کيت ، هيڊوف چارا
بارو ، فس هيڊوف تو کيت بوليه تريما کوۋ انق يي .
12 اورغ هق تريما ده انق يځ ساتو هق توهن ، يي تريما ده
هيڊوف چارا بارو . اورغ هق تاء تريما لاگي تو ، يي تاءار
هيڊوف چارا بارو لاگي .

هيڊوف چارا بارو هق توهن

- 13 اکو توليس سورت ني کا فواق مو ، نق بري مو تاهو دغن

- یقین کات، مو تریم ده هیدوف چارا بارو، یاءیت فواق مو
 هق برگتوڅ فدانق یغ ساتو هق توهن.
- 14 کیت بولیه مغهاردف توهن دغن چرف کات، ږي نق دغراف ۲
 هق کیت مینتاء، اصل کیت مینتاء ایکوت کهندق ږي.
- 15 سابیت کیت تاهو ده کات توهن دغر، سابیت تو تننو بولیه
 هق کیت مینتاء تو.
- 16 میسل، کالو کیت تیغوق ادیق برادیق سئورغ دوق بوات دوسا،
 هق تاءبری کیسه هیدوف چارا بارو، کیت نق مینتاء دغن
 توهن، فس توهن نق کیریم کا کیت انتوق اورغ تو. تافی ار
 جوگ دوسا هق بری کیسه هیدوف چارا بارو، بوکن اکو کات
 مو کنا مینتاء کا توهن چارا حال دوسا ماچم تو.
- 17 کسلاهن مان ۲ فون جادی دوسا بلاک، تافی ار جوگ دوسا هق
 تاءبری کیسه هیدوف چارا بارو.
- 18 کیت تاهو ده کات، اورغ مان هق جادی انق توهن، تاءکاچغ
 بوات دوسا، کران ږي هق جادی انق یغ ساتو هق توهن دوق
 جاگ ږي دغن مولیق، تاءبری هییلیس ماری بوات خیانه کا ږي.
- 19 سوڅکوه فون سموا دنیا نی دوق باوه فرینته هییلیس، تافی
 کیت تاهو ده کات، کیت جادی میلیق توهن. فس کیت تاهو
- 20 جوگ کات، انق یغ ساتو هق توهن ماری ده بری کواس کا
 کیت بولیه کنل توهن هق سبئر تو. فس کیت دوق سهاتی
 سپاوا دغن ږي هق سبئر تو، دغن کران کیت دوق سهاتی
 سپاوا دغن انق ږي، عیسو المسیح. دیاله توهن هق سبئر.
- 21 دغن تریم ږي، کیت بولیه هیدوف چارا بارو. انق ۲ کو هق
 اکو کاسیه، بری جاءهله ږی ږي مو ږرند سموا هق نق سمبه
 گنتی توهن!